

(清)

李瀚章 编
李鸿章 校

曾國補全集



奏稿
奏稿
奏稿
十八家诗抄
十八家诗抄
经史百家杂抄

(上) 第一册
(中) 第二册
(下) 第三册
(上) 第四册
(下) 第五册
(上) 第六册

经史百家杂抄
经史百家简编
鸣原堂论文
诗集、文集
批牘
书札

(下) 第七册
第八册
(上) 第九册











曾國藩全集



第七册

经史百家杂抄(下)

经史百家简编

● 辽宁民族出版社



经史百家杂抄 卷十六

目 录

哀祭之属

书金滕册祝之辞	696
诗黄鸟	696
春秋卫太子蒯聩祷神之辞	697
宋玉招魂	697
景差大招	699
贾谊吊屈原赋	700
汉武帝悼李夫人赋	701
司马相如哀二世赋	702
匡衡祷高祖孝文孝武庙文	702
告谢毁庙文	703
张衡大司农鲍德谏	703
蔡邕拟迁都告庙文	704
汉昭烈帝成都即位告天文	704
曹植王仲宣谏	705
潘岳世祖武皇帝谏	706
杨荆州谏	707
杨仲武谏	709
夏侯常侍谏	710
马汧督谏	711
哀永逝文	713
金鹿哀辞	714
陆机吊魏武帝文	714

陶潜自祭文	716
祭从弟敬远文	716
颜延之陶徵士诔	717
阳给事诔	718
祭屈原文	719
谢惠连祭古冢文	719
王僧达祭颜光禄文	720
齐高祖即位告天文	721
陆贽拟告谢昊天上帝册文	721
拟告谢代宗庙文	722
韩愈祭田横墓文	722
祭张员外文	722
祭柳子厚文	724
独孤申叔哀辞	724
欧阳生哀辞	724
祭十二郎文	726
祭郑夫人文	727
吊武侍御所画佛文	728
祭穆员外文	729
祭郴州李使君文	729
祭马仆射文	730
祭张给事文	731
祭女箴女文	731
祭薛助教文	732
祭虞部张员外文	732
李翱祭韩侍郎文	732
欧阳修祭资政范公文	733
祭尹师鲁文	734
祭石曼卿文	734
祭苏子美文	735
祭梅圣俞文	735

苏轼祭欧阳文忠公文	736
祭柳子玉文	736
苏辙代三省祭司马丞相文	737
王安石祭范颍州文	737
祭欧阳文忠公文	738
祭丁元珍学士文	739
祭王回深甫文	739
祭高师雄主簿文	739
祭曾博士易占文	740
祭李副省文	740
祭周几道文	740
祭束向原道文	741
祭张安国检正文	741

经史百家杂抄 卷十六

湘乡曾国藩纂 合肥李鸿章校刊

哀祭之属

书金滕册祝之辞

惟尔元孙某，遭厉虐疾。若尔三王，是有丕子之责于天。以旦代某之身。予仁若考，能多材多艺，能事鬼神。乃元孙不若旦多材多艺，不能事鬼神。乃命于帝庭，敷佑四方，用能定尔子孙于下地。四方之民，罔不祗畏。呜呼！无坠天之降宝命，我先王亦永有依归。今我即命于元龟，尔之许我，我其以璧与珪，归俟尔命。尔不许我，我乃屏璧与珪。

诗黄鸟

交交黄鸟，止于棘。谁从穆公？子车奄息。维此奄息，百夫之特。临其穴，惴惴其栗。彼苍者天，歼我良人。如可赎兮，人百其身。交交黄鸟，止于桑。谁从穆公？子车仲行。维此仲行，百夫之防。临其穴，惴惴其栗。彼苍者天，歼我良人。如可赎兮，人百其身。交交黄鸟，止于楚。谁从穆公？子车针虎。维此针虎，百夫之御。临其穴，惴惴其栗。彼苍者天，歼我良人。如可赎兮，人百其身。

春秋卫太子蒯聩祷神之辞

曾孙蒯聩，敢昭告皇祖文王，烈祖康叔，文祖襄公。郑胜乱从，晋午在难，不能治乱，使鞅讨之。蒯聩不敢自佚，备持矛焉，敢告。无绝筋，无折骨，无面伤。以集大事，无作三祖羞。大命不敢请，佩玉不敢爱。

宋玉招魂

朕幼清以廉洁兮，身服义而未沫。主此盛德兮，牵于俗而芜秽。上无所考此盛德兮，长离殃而愁苦。帝告巫阳曰：有人在，下我欲辅之。魂魄离散，汝筮予之。巫阳对曰：掌梦，上帝其命难从。若必筮予之，恐后之谢，不能复用巫阳焉。以上不必筮，而直招之乃下招曰：魂兮归来！去君之恒干，何为兮四方些。舍君之乐处，而离彼不祥些。魂兮归来！东方不可以托些。长人千仞，惟魂是索些。十日代出，流金铄石些。彼皆习之，魂往必释些。归来归来，不可以托些。魂兮归来，南方不可以止些。雕题黑齿，得人肉而祀，以其骨为醢些。蝮蛇蓁蓁，封狐千里些。雄虺九首，往来倏忽，吞人以益其心些。归来归来，不可以久淫些。魂兮归来，西方之害，流沙千里些。旋人雷渊，靡散而不可止些。幸而得脱，其外旷宇些。赤蚁若象，玄蜂若壶些。五谷不生，丛菅是食些。其土烂人，求水无所得些。彷徨无所倚，广大无所极些。归来归来，恐自遗贼些。魂兮归来，北方不可以止些。增冰峨峨，飞雪千里些。归来归来，不可以久些。魂兮归来，君无上天些。虎豹九关，啄害下人些。一夫九首，拔木九千些。豺狼从目，往来先先些。悬人以嬉，投之深渊些。致命于帝，然后得瞑些。归来归来，往恐危身些。魂兮归来，君无下此幽都些。土伯馵约，其角觺觺些。敦

脉血拇，逐人骯骯些。参目虎首，其身若牛些。此皆甘人。归来归来，恐自遗灾些。^{以上四方在上}魂兮归来，入修门些。工祝招君，背行先些。秦篝齐缕，郑绵络些。招具该备，永啸呼些。魂兮归来，反故居些。天地四方，多贼奸些。像设居室，静闲安些。高堂邃宇，槛层轩些。层台累榭临高山些。网户朱缀，刻方连些。冬有突夏，夏室寒些。川谷径复，流潺湲些。光风辅蕙，汜崇兰些。经堂人奥，朱尘筵些。砥室翠翘，挂曲琼些。翡翠珠被，烂齐光些。蒨阿佛壁，罗幃张些。纂组绮縠，结琦璜些。^{以上官室}室中之观，多珍怪些。兰膏明烛，华容备些。二八侍宿，射递代些。九侯淑女，多迅众些。盛鬋不同，制实满宫些。容态好比，顺弥代些。弱颜固植，謇其有意些。姱容修态，絙洞房些。蛾眉曼睩，目腾光些。靡颜膩理，遗视眇些。离榭修幕，侍君之间些。翡翠帷幃，饰高堂些。红壁沙版，玄玉梁些。仰观刻桷，画龙蛇些。坐高伏槛，临曲池些。芙蓉始发，杂芰荷些。紫茎屏风，文缘波些。文异豹饰，侍陂陲些。轩轳既低，步骑罗些。兰薄户树，琼木篱些。魂兮归来，何远为些。^{以上女色}室家遂宗，食多方些。稻粱稊麦，拏黄粱些。大苦咸酸，辛甘行些。肥牛之腱，臠若芳些。和酸若苦，陈吴羹些。膾鼈炮羔，有柘浆些。鹄酸臠臠，煎鸿鹄些。露鸡臠蠃，历而不爽些。柜敕蜜餌，有饴饴些。瑶浆蜜勺，实羽觞些。挫糟冻饮，酎清凉些。华酌既陈，有琼浆些。^{以上饮食}归来归来，反故室，敬而无妨些。肴羞未通，女乐罗些。陈钟按鼓，造新歌些。涉江采菱，发扬荷些。美人既醉，朱颜酡些。娖光眇视，目曾波些。被文服纤，丽而不奇些。长发曼鬋，艳陆离些。二八齐容，起郑舞些。衽若交竿，抚案下些。竽瑟狂会，瑱鸣鼓些。宫庭震惊，发激楚些。吴歈蔡讴，奏大吕些。^{以上乐舞}士女杂坐，乱而不分些。放陈组纓，班其相纷些。郑卫妖玩，来杂陈些。激楚之结，独秀先些。篴蔽象棋，有六博些。分曹并进，遒相迫些。成枭而牟，呼五白些。晋制犀比，费白日些。铿钟摇簴，楔梓瑟些。娱酒不废，沈日夜些。兰

膏明烛，华灯错些。结撰至思，兰芳假些。人有所极，同心赋些。酌饮尽欢，乐先故些。魂兮归来，反故居些。^{以上乱曰：杂戔}献岁发春兮，汨吾南征。绿蘋齐叶兮，白芷生。路贯庐江兮，左长薄，倚沼畦瀛兮遥望博。青骊结驷兮齐千乘，悬火延起兮玄颜蒸。步及骤处兮诱骋先，抑骛若通兮引车右还。与王趋梦兮课后先。君王亲发兮憊青兕，朱明承夜兮时不可淹。皋兰被径兮斯路渐，湛湛江水兮上有枫。目极千里兮伤春心。魂兮归来哀江南。

景差大招

青春受谢，白日昭只。春气奋发，万物遽只。冥凌浹行，魂无逃只。魂魄归来！无远遥只。魂乎归来！无东无西无南无北只。东有大海，溺水洊洊只。螭龙并流，上下悠悠只。雾雨淫淫，白皓胶只。魂乎无东！汤谷寂寥只。魂乎无南！南有炎火千里，蜺蛇蜒只。山林险隘，虎豹蜿只。鰐鰕短狐，王虺骞只。魂乎无南！蜺伤躬只。魂乎无西！西方流沙，滂洋洋只。豕首纵目，被发鬋只。长爪踞身，谗笑狂只。魂乎无西！多害伤只。魂乎无北！北有寒山，遑龙赧只。代水不可涉，深不可测只。天白颢颢，寒凝凝只。魂乎无往！盈无极只。^{以上言秦西}魂魄归来！闲以静只。自恣荆楚，安以定只。逞志究欲，心意安只。穷身永乐，年寿延只。魂乎归来！乐不可言只。五谷六仞，设菰粱只。鼎臠盈望，和致芳只。内鸽鹄鹄，味豺羹只。魂乎归来！恣所尝只。鲜蠃甘鸡，和楚酪只。醢豚苦狗，脍苴蓴只。吴酸蒿萎，不沾薄只。魂乎归来！恣所择只。炙鹄烝鳧，黏鹑陈只。煎鲛确雀，递爽存只。魂乎归来！丽以先只。四酎并熟，不涩嗑只。清馨冻饮，不歎役只。吴醴白蘘，和楚沥只。魂乎归来！不遽惕只。^{以上代秦郑卫}鸣竽张只。伏戏驾辩，楚劳商只。讴和扬阿，赵箫倡只。魂乎归来！定空桑只。二八接武，投诗赋只。叩钟调磬，娱人乱只。四上竞气，

极声变只。魂乎归来！听歌撰只。朱唇皓齿，嫋以嫋只。比德好闲，习以都只。丰肉微骨，调以娱只。魂乎归来！安以舒只。^{以上歌舞}嫋目宜笑，娥眉曼只。容则秀雅，穉朱颜只。魂乎归来！静以安只。嫋修滂浩，丽以佳只。曾颊倚耳，曲眉规只。滂心绰态，姣丽施只。小腰秀颈，若鲜卑只。魂乎归来！思怨移只。易中和心，以动作只。粉白黛黑，施芳泽只。长袂拂面，善留客只。魂乎归来！以娱昔只。青色直眉，美目嫋只。革辅奇牙，宜笑嘴只。丰肉微骨，体便娟只。魂乎归来！恣所便只。^{以上美色}夏屋广大，沙堂秀只。南房小坛，观绝雷只。曲屋步檐，宜扰畜只。腾驾步游，猎春囿只。琼轂错衡，英华假只。茝兰桂树，郁弥路只。魂乎归来！恣志虑只。孔雀盈园，畜鸾皇只。鹄鸿群晨，杂鹄鸽只。鸿鹄代游，曼鸛鸛只。魂乎归来！凤皇翔只。^{以上園禽}曼泽怡面，血气盛只。永宜厥身，保寿命只。室家盈庭，爵禄盛只。魂乎归来！居室定只。接经千里，出若云只。三圭重侯，听类神只。察笃天隐，孤寡存只。魂乎归来！正始昆只。^{以上家室福祿}田邑千畝，人阜昌只。美昌众流，德泽章只。先威后文，善美明只。魂乎归来！赏罚当只。名声若日，照四海只。德誉配天，万民理只。北至幽陵，南交趾只。西薄羊肠，东穷海只。魂乎归来！尚贤士只。发政献行，禁苛暴只。举杰压陛，诛讥罢只。直赢在位，近禹麾只。豪杰执政，流泽施只。魂乎归来！国家为只。雄雄赫赫，天德明只。三公穆穆，登降堂只。诸侯毕极，立九卿只。昭质既设，大侯张只。执弓挟矢，揖辞让只。魂乎来归！尚三王只。^{以上尊名}

贾谊吊屈原赋

共承嘉惠兮，俟罪长沙。侧闻屈原兮，自沉汨罗。造托湘流兮，敬吊先生。遭世罔极兮，乃陨厥身。呜呼哀哉，逢时不祥。鸾凤伏窜兮，鸱枭翱翔。闾茸尊显兮，谗谀得志。贤圣逆曳兮，方

正倒植。世谓伯夷贪兮，谓盗跖廉。莫邪为顿兮，铅刀为铍。于嗟嘿兮，生之无故。幹弃周鼎兮，宝康瓠。腾驾罢牛兮，骖蹇驴。骥垂两耳兮，服盐车。章甫荐履兮，渐不可久。嗟苦先生兮，独离此咎。讯曰：已矣！国其莫我知，独堙郁兮其谁语？风漂漂其高遯兮，夫固自缩而远去。袭九渊之神龙兮，沕深潜以自珍。弥融爚以隐处兮，夫岂从蛸与蛭螾！所贵圣人之神德兮，远浊世而自藏。使骐驎可得系羈兮，岂云异夫犬羊？般纷纷其离此尤兮，亦夫子之辜也。睠九州而相君兮，何必怀此都也！凤凰翔于千仞之上兮，览德辉而下之。见细德之险微兮，摇增翮逝而去之。彼寻常之汙渎兮，岂能容吞舟之鱼？横江湖之鱣鲸兮，固将制于蚊蝼。

汉武帝悼李夫人赋

美连娟以修姱兮，命櫜绝而不长。饰新宫以延贮兮，泯不归乎故乡。惨郁郁其芜秽兮，隐处幽而怀伤。释舆马于山椒兮，奄修夜之不阳。秋气惨以凄泪兮，桂枝落而销亡。神粼粼以遥思兮，精浮游而出置。托沈阴以圯久兮，惜蕃华之未央。念穷极之不还兮，惟幼眇之相羊。函菱芙以俟风兮，芳杂袭以弥章。的容与以猗靡兮，缥缈姚虞愈庄。燕淫衍而抚楹兮，连流视而娥扬。既激感而心逐兮，包红颜而弗明。欢接狎以离别兮，宵寤梦之芒芒。忽迁化而不反兮，魄放逸以飞扬。何灵魄之纷纷兮，哀裴回从踌躇。执路日以远兮，遂荒忽而辞去。超兮西征，屑兮不见。浸淫敞克，寂兮无音。思若流波，怛兮在心。乱曰：佳侠函光，陨朱荣兮。嫉妒闾茸，将安程兮。方时隆盛，年夭伤兮。弟子增欷，洿沐怅兮。悲愁于邑，喧不可止兮。响不虚应，亦云已兮。妍妍太息，叹稚子兮。恻慄不言，倚所恃兮。仁者不誓，岂约亲兮。既往不来，申以信兮。去彼昭昭，就冥冥兮。既下新宫，不复故庭兮。呜呼哀哉！想魂灵兮。